



ADRAN 5

5. IS-BWYLLGORAU

5.1 PENODI

- 5.1.1 Gall CBC y Gogledd sefydlu is-bwyllgorau i'w gefnogi wrth weithredu ei swyddogaethau a/neu i gefnogi ei drefniadau llywodraethu a gweinyddu. Fodd bynnag, ni ellir dirprwyo rhai swyddogaethau penodol i is-bwyllgor (gweler adran 5.3.2)
- 5.1.2 Bydd CBC y Gogledd yn sefydlu is-bwyllgorau ar gyfer pob un o'r meysydd swyddogaethol allweddol y mae'n eu gweithredu. Rhaid i CBC y Gogledd sefydlu'r is-bwyllgorau Llywodraethu ac Archwilio a Safonau.
- 5.1.3 Wrth sefydlu is-bwyllgorau, ac ystyried pwy i'w gynnwys yn yr is-bwyllgor, bydd CBC y Gogledd yn ystyried:
- Natur y dasg/gweithgaredd sydd i'w hystyried.
 - Yr arbenigedd/sgiliau perthnasol y gallai fod eu hangen i gefnogi CBC y Gogledd yn ei benderfyniadau.
 - Rhyw, amrywiaeth a chydbwysedd diwylliannol aelodaeth yr is-bwyllgor a sut y gallai hyn/y dylai hyn gynrychioli'r cymunedau y mae CBC y Gogledd yn eu gwasanaethu.

5.2 STRWYTHUR

- 5.2.1 Gall CBC y Gogledd benodi aelodau CBC y Gogledd ac Aelodau Cyfetholedig i is-bwyllgor.
- 5.2.2 Gellir ffurfio is-bwyllgorau yn gyfan gwbl o aelodau cyfetholedig os yw CBC y Gogledd yn ystyried bod hyn yn briodol.
- 5.2.3 Caiff rheolau a gweithdrefnau'r is-bwyllgorau eu sefydlu a'u diwygio gan CBC y Gogledd.

5.3 DIRPRWYO

- 5.3.1 Dim ond y swyddogaeth honno a ddirprwyir iddo y gall is-bwyllgor ei gweithredu.



- 5.3.2 Ni all y CBC ddirprwyo unrhyw rai o'r isod i unrhyw berson nac i is-bwyllgor arall:
- Cymeradwyo ac adolygu polisi trafndiaeth dan ddarpariaethau perthnasol Deddf Trafndiaeth 2000 ("Swyddogaeth Polisi Trafndiaeth");
 - Y gweithredoedd mewn perthynas â pharatoi Cynllun Datblygu Strategol (y "Swyddogaeth Cynllun Datblygu Strategol") sydd wedi'u nodi yn Rheoliad 15(b) Rheoliadau Cyd-bwyllgor Corfforedig y Gogledd 2021;
 - Y penderfyniad i gytuno ar gyllidebau'r CBC a chyfraniadau'r Cyngorau Cyfansoddol a'r Awdurdod.

5.4 CADEIRIO'R CYFARFODYDD

- 5.4.1 Yr eitemau busnes cyntaf i'w trafod yng nghyfarfod cyntaf yr is-bwyllgor yw penodi cadeirydd ac is-gadeirydd. Bydd y Swyddog Priodol yn cadeirio'r cyfarfod ar gyfer yr eitem busnes gychwynnol honno.
- 5.4.2 Yr eitemau busnes cyntaf i'w trafod yng nghyfarfod cyffredinol blynyddol dilynol yr is-bwyllgor yw penodi cadeirydd ac is-gadeirydd.
- 5.4.3 Os daw swydd y cadeirydd neu'r is-gadeirydd yn wag yn ystod cyfnod y swydd rhaid i'r penodiad i lenwi'r swydd gael ei wneud yng nghyfarfod cyntaf yr is-bwyllgor i'w gynnal wedi i'r swydd ddod yn wag.
- 5.4.4 Yn amodol ar y darpariaethau mewn perthynas â'r is-bwyllgorau Llywodraethu ac Archwilio a Safonau, rhaid i'r cadeirydd a'r is-gadeirydd bob un fod yn aelod etholedig o Gyngor Cyfansoddol.
- 5.4.5 Rhaid i gyfarfodydd yr is-bwyllgor gael eu cadeirio gan y cadeirydd neu os yw'r cadeirydd yn absennol, gan yr is-gadeirydd.

5.5 CWORWM

- 5.5.1 Oni bai y darperir fel arall, rhaid i ddim llai na 70% o'r personau gyda phleidlais fod yn bresennol.
- 5.5.2 Bydd aelodau'n cael eu hystyried i fod yn bresennol mewn cyfarfod lle maent yn mynychu'r cyfarfod o bell, yn unol â threfniadau'r CBC ar gyfer cyfarfodydd aml-Heoliad, cyhyd ag y gallant siarad â, clywed a chael gwrandawriad gan fynychwyr eraill yn y cyfarfod.



- 5.5.3 At ddibenion para 5.5.2 mae presenoldeb "o bell" yn golygu presenoldeb mewn lleoliad ffisegol gwahanol i un cyfranogwyr eraill a chymryd rhan drwy blatfform cyfarfod ar-lein.

5.6 PLEIDLEISIO

- 5.6.1 Gall unrhyw aelod o is-bwyllgor CBC y Gogledd (gan gynnwys Aelodau Cyfetholedig â phleidlais) bleidleisio ar faterion i'w penderfynu gan yr is-bwyllgor hwnnw yn unig.

5.7 TRYLOYWDER

- 5.7.1 Mae adrannau 4.3 i 4.9 Gorchmynion Sefydlog Cydbwyllgor Corfforedig y Gogledd yn gymwys i gyfarfod is-bwyllgor y CBC fel ag y maent yn gymwys i gyfarfod y CBC.

IS-BWYLLGORAU

5.8 Is-bwyllgor Trafnidiaeth Strategol

- 5.8.1 Bydd y CBC yn penodi Is-bwyllgor a elwir yn Is-bwyllgor Trafnidiaeth Strategol - ("Swyddogaeth Trafnidiaeth Strategol") i wireddu'r swyddogaeth i baratoi a monitro polisiau trafndiaeth dan adrannau 108(1)(a) a (2A)(a) Rhan 2 Deddf Trafnidiaeth 2000 neu unrhyw swyddogaethau'r CBC sy'n ategol neu'n gysylltiedig â'r swyddogaethau hynny.

- 5.8.2 Mae Cylch Gorchwyl Is-bwyllgor Trafnidiaeth Strategol Gogledd Cymru wedi'u nodi yn Rhan 1 yr Adran hon. A gellir diwygio'r cylch gorchwyl hynny gan y CBC o bryd i'w gilydd.

Dylai aelodaeth yr Is-bwyllgor Trafnidiaeth Strategol gynnwys yr aelod Cabinet perthnasol o bob Cyngor cyfansoddol sy'n dal y portffolio ar gyfer Polisi Trafnidiaeth.

- 5.8.3 Bydd aelodaeth yr Is-bwyllgor Trafnidiaeth Strategol yn cynnwys yr aelod Cabinet / Gweithredol perthnasol o bob un o'r cynghorau cyfansoddol gyda chyfrifoldeb am y Polisi Trafnidiaeth.



5.9 Is-bwyllgor Cynllunio Strategol

- 5.9.1 Bydd y CBC yn penodi Is-bwyllgor sy'n cael ei adnabod fel Is-bwyllgor Cynllunio Strategol - i gefnogi gweithrediad y swyddogaethau cynllunio strategol neu unrhyw rai o swyddogaethau'r CBC sy'n ategol neu'n gysylltiedig â'r swyddogaethau hynny fel sydd wedi'i nodi yn Rheoliad 15(b) Rheoliadau Cyd-bwyllgor Corfforedig y Gogledd 2021.
- 5.9.2 Mae Cylch Gorchwyl yr Is-bwyllgor Cynllunio Strategol wedi'u nodi yn Rhan 2 yr Adran hon, ac fe all y CBC addasu'r cylch gorchwyl hynny o bryd i'w gilydd.
- 5.9.3 Bydd aelodaeth yr Is-bwyllgor Cynllunio Strategol yn cynnwys yr aelod Cabinet / Gweithredol perthnasol o bob cyngor cyfansoddol gyda chyfrifoldeb am Bolisi Cynllunio a chynrychiolydd wedi'i enwebu gan Awdurdod Parc Cenedlaethol Eryri.

5.10 Is-bwyllgor Uchelgais Gogledd Cymru -

- 5.10.1 [I'w Gynnwys yn y Dyfodol]

5.11 Is-bwyllgor Llywodraethu ac Archwilio

- 5.11.1 Rhaid i'r CBC sefydlu is-bwyllgor, a elwir yn Is-bwyllgor Llywodraethu ac Archwilio.
- 5.11.2 Nodir Cylch Gorchwyl yr Is-bwyllgor Llywodraethu ac Archwilio yn Rhan 4 yr Adran hon, a gall y CBC ddiwygio'r cylch gorchwyl hynny o bryd i'w gilydd o fewn gofynion statudol.
- 5.11.3 Bydd aelodaeth yr Is-bwyllgor Llywodraethu ac Archwilio yn cynnwys 9 Aelod, gyda 6 ohonynt yn aelodau etholedig a dynnir o Bwyllgorau Llywodraethu ac Archwilio pob un o'r 6 Chyngor Cyfansoddol ac a enwebir ganddynt a bydd 3 ohonynt yn Aelodau Lleyg.
- 5.11.4 Mae gofyn i'r Is-bwyllgor Llywodraethu ac Archwilio gyfarfod unwaith bob blwyddyn calendr o leiaf.



5.12 Is-bwyllgor Safonau

5.12.1 [i'w Gynnwys yn y Dyfodol]

Rhan 1

IS-BWYLLGOR TRAFNIDIAETH STRATEGOL - CYLCH GORCHWYL

Rheoliadau'r Cyd-bwyllgorau Corfforedig

Mae Rheoliadau Cyd-bwyllgor Corfforedig y Gogledd 2021 yn darparu y bydd y CBC yn gweithredu'r swyddogaethau o ddatblygu polisiau dan adran 108 Deddf Trafnidiaeth 2000.

Mae'r ("Rheoliadau Trafnidiaeth") yn addasu Deddf Trafnidiaeth 2000 mewn perthynas â Chyd-bwyllgorau Corfforedig a sefydlir dan Ran 5 Deddf Llywodraeth Leol ac Etholiadau (Cymru) 2021 lle mae swyddogaethau datblygu polisiau dan adran 108 Deddf Trafnidiaeth 2000 wedi'u cyflwyno i'r Cyd-bwyllgorau Corfforedig.

Swyddogaeth:

Gwneud argymhellion i'r Cyd-bwyllgor Corfforedig ar gymeradwyo ac adolygu Cynllun Trafnidiaeth Rhanbarthol a'i gyflwyno i Weinidogion Cymru i'w gymeradwyo.

Cyflwyno argymhellion i'r Cyd-bwyllgor Corfforedig ar bolisiau i'w gweithredu gan yr awdurdodau trafndiaeth lleol yn ei ardal o Strategaeth Drafndiaeth Cymru."

Cynghori a gwneud argymhellion ar gydlynu gwasanaeth cludiant strategol cyd-gysylltiedig ac integredig yn y Gogledd; drwy fonitro ac adolygu Cynllun Trafnidiaeth Rhanbarthol.

Cynllunio, cydlynu a chynghori ar ymatebion rhanbarthol i gynigion Gwella Trafnidiaeth Gyhoeddus Llywodraeth Cymru.

Adrodd yn rheolaidd i'r Cyd-bwyllgor Corfforedig ar gynnydd, perfformiad, canlyniadau a gofynion adhodau, gan gadw ei gynlluniau a'i bolisiau trafndiaeth rhanbarthol dan adolygiad ac argymell unrhyw newidiadau os yw'n ystyried ei bod hi'n briodol gwneud hynny.



Ymgymryd ag unrhyw weithgareddau sy'n ategol neu'n rhesymol gysylltiedig â chyflawni'r swyddogaethau hyn.

Bydd gan gadeirydd yr is-bwyllgor rôl allweddol wrth ddarparu arweinyddiaeth a chysylltiadau allweddol gyda Llywodraeth Cymru a Llywodraeth y DU yng nghyswllt gwaith yr Is-bwyllgor a'i rôl ymgynghorol wrth ddatblygu'r Cynllun Trafnidiaeth Rhanbarthol.

Cynghorir yr Is-Bwyllgor gan Swyddogion y CBC a'i Swyddogion Statudol neu eu cynrychiolwyr neu ddirprwyon a benodir yn briodol.

Strategol

Cydlynu gweithgarwch Awdurdodau Lleol a phartneriaid eraill fel y byddai dull rhanbarthol strategol yn ei le yn y maes polisi perthnasol.

Darparu cyngor strategol perthnasol i'r Cyd-bwyllgor Corfforedig.

Cefnogi'r Cyd-bwyllgor Corfforedig i ddylanwadu ar bolisiau cenedlaethol a rhaglenni ariannu.

Gweithredu penderfyniadau'r Cyd-bwyllgor Corfforedig. Bydd y Cyd-bwyllgor Corfforedig yn rhoi cyfarwyddyd ac yn comisiynu'r Is-bwyllgorau i ymgymryd â thasgau allweddol. Rheoli Prosiectau a Rhaglenni

Cydlynu'r gwaith o gynllunio, datblygu a chyflawni Rhaglen(ni)/Prosiect(au) perthnasol o fewn y Cylch Gorchwyl hwn;

Monitro ac adolygu cynnydd ac effaith y Rhaglen(ni)/Prosiect(au) perthnasol, a chyflwyno unrhyw argymhellion i'r Cyd-bwyllgor Corfforedig.

Monitro ac adolygu lefel a defnydd adnoddau gan gynnwys staff a lle mae'n ystyried yn briodol, gwneud argymhellion i'r CBC mewn perthynas â'r materion hyn.



Rheoli Adnoddau

Monitro ac adolygu lefel a defnydd yr adnoddau sydd eu hangen gan gynnwys staff, a gwneud argymhellion i'r CBC mewn perthynas â'r materion hyn pan mae'n ystyried bod hynny'n briodol.

Rheoli Perfformiad

Cydlynu adrodd am berfformiad i'r Cyd-bwyllgor Corfforedig o leiaf yn Chwarterol.

Cyfrifoldebau a'r hyn sydd i'w gyflawni: Cyfathrebu a Chodi Ymwybyddiaeth

Bydd yr Is-bwyllgor Trafnidiaeth yn paratoi adroddiad chwarterol ar ei waith ar gyfer y Cyd-bwyllgor Corfforedig a fydd yn cynnwys:

- 1) Cynnydd ar weithredu'r Cynllun Trafnidiaeth Rhanbarthol yn cynnwys Rhaglenni a Phrosiectau unigol.
- 2) Perfformiad Ariannol y datblygiadau sydd i ddod gan y Pwyllgor.
- 3) Bydd yr adroddiad yn ffurfio rhan o brotocol craffu cytûn a bydd ar ffurf a fydd yn hwyluso ei gyflwyno i drefniadau Craffu neu drefniadau llywodraethu eraill fel y pennir gan y Cyd-bwyllgor Corfforedig.

Cworwm

Rhaid i ddim llai na 5 aelod fod yn bresennol.

Adolygu

Bydd yr Is-bwyllgor Trafnidiaeth yn cynnal hunan-asesiad blynyddol o'i weithgareddau o dan y Cylch Gorchwyl hwn ac yn adrodd unrhyw gasgliadau ac argymhellion i'r Cyd-bwyllgor Corfforedig ac, fel rhan o'r asesiad hwn, bydd yn ystyried a yw'n derbyn cefnogaeth ddigonol a phriodol ai peidio wrth gyflawni ei rôl ac a yw ei gynllun gwaith blynyddol yn hylaw ai peidio.

Bydd y Pwyllgor yn adolygu ei Gylch Gorchwyl yn flynyddol a gall argymhell i'r Cyd-bwyllgor Corfforedig unrhyw ddiwygiadau i'w Gylch Gorchwyl.



IS-BWYLLGOR CYNLLUNIO STRATEGOL - CYLCH GORCHWYL

Swyddogaethau'r Is-bwyllgor Cynllunio Strategol

Bydd yr Is-bwyllgor yn goruchwyllo'r swyddogaethau penodol a ganlyn yn y gorchymyn a gyflwynir, yn unol â Rheoliadau Cynllunio Gwlad a Thref (Cynllun Datblygu Strategol) (Cymru) 2021 cyn cyngori a cheisio cymeradwyaeth y CBC (sylwer hefyd y cyfyngiadau ar gyflawni swyddogaeth o dan Adran 6):

Ystyried a datblygu sylfaen dystiolaeth gadarn sydd ei hangen ar gyfer y CDS a gefnogir gan weithgorau'r CDS ac mewn partneriaeth â'r Awdurdodau Cynllunio Lleol rhanbarthol. (gweler uchod mewn coch).

Goruchwyllo'r dasg o adnabod cyrff ymgynghori i gymryd rhan yn y broses CDS - 'cyffredinol' a 'penodol' (Rheoliad 5 & 6),

Paratoi Cytundeb Cyflawni drafft (Amserlen a Chynllun Cyfranogiad Cymunedol) ar gyfer paratoïr SDP a SA/SEA - gan gynnwys gofynion ymgysylltu, cynnwys, hysbysiad a chyhoeddi (Rheoliadau 7 i 12).

Paratoïr CDLI (Ffurflen, Cynnwys y SDP a'r Map Cynigion) yn unol â (Rheoliadau 13 i 14).

Ystyried materion ychwanegol y mae angen rhoi gwybod i'r CBC amdanynt, sef Adran 108 Deddf Trafndiaeth 2000 a materion eraill (Rheoliad 15).

Ymgymryd â'r galw am leoliadau a safleoedd strategol ymgeisiol a pharatoi "cofrestr safleoedd a lleoliadau strategol ymgeisiol" er mwyn rhoi gwybod am yr argaeledd tir ledled y rhanbarth (Rheoliad 16 (1)(b)-(d)).

Goruchwyllo'r gwaith o gynhyrchu cynigion Cyn-adneuo y CDS (dogfennau paratoi, cyfranogiad a chynigion) - at ddiben ystyried ystod o opsiynau a strategaethau amgen (Rheoliad 16 i 17).

Goruchwyllo'r gwaith o gynhyrchu Arfarniad Cynaliadwyedd SDP (SA) ac Asesiad Amgylcheddol Strategol (SEA) y CDS yn unol â (a39 (2) Deddf Cynllunio a Phryniant Gorfodol 2004 (fel y'i diwygiwyd) a Rheoliadau SEA 5(2) a 5(4) yn y drefn honno).

Paratoi a chynnal yr ymgynghoriad cyhoeddus cyn-adneuo angenrheidiol (Rheoliad 18).



Paratoïr adroddiad sylwadau ymgynghoriad cyhoeddus cyn-adneuo ar gyfer y CBC (Rheoliad 19).

Goruchwylio'r gwaith o baratoïr Cynllun Adnau – Dogfennau i'w paratoi, gofynion hysbysu a chyhoeddi, ymgynghoriad cyhoeddus statudol (isafswm o 6 wythnos) ac ystyried sylwadau (Rheoliadau 20 i 22).

Paratoi cyflwyno'r SDP i'w archwilio – Dogfennau i'w paratoi/eu cyflwyno, gofynion cyhoeddi a hysbysu (Rheoliad 23).

Paratoi ar gyfer a rheoli'r Archwiliad Annibynnol o'r CDS gan gynnwys gofynion hysbysu a chyhoeddi (Rheoliad 24).

Ystyried ac ymateb i Adroddiad yr Arolygwyr – gan gynnwys gofynion hysbysu a chyhoeddi (Rheoliad 25).

Lle bo angen, bydd yr is-bwyllgor yn ymateb i faterion sy'n ymwneud â 'materion sy'n atal mabwysiadu' (Rheoliad 26), 'cyfeiriad i addasu'r SDP' (Rheoliad 27) a 'galw i mewn' (Rheoliadau 28 – 32).

Paratoi i Fabwysiadu – gan gynnwys gweithdrefnau mabwysiadu, hysbysu a gofynion cyhoeddi (Rheoliad 35).

Goruchwylio'r gwaith o gynhyrchu'r Adroddiad Monitro Blynyddol (AMR) – gan gynnwys gofynion cynnwys, cyhoeddi a hysbysu (Rheoliad 27).

Goruchwylio'r gwaith o gynhyrchu Adroddiad Adolygu'r SDP (dim hwyrach na 6 mlynedd ar ôl mabwysiadu) (Rheoliad 39).

Rheoli Prosiectau a Rhaglenni

Cydlynu'r gwaith o gynllunio, datblygu a chyflawni Rhaglen(ni)/Prosiect(au) perthnasol o fewn y Cylch Gorchwyl hwn;

Monitro ac adolygu cynnydd ac effaith y Rhaglen(ni)/Prosiect(au) perthnasol, a chyflwyno unrhyw argymhellion i'r Cyd-bwyllgor Corfforedig.



Monitro ac adolygu lefel a defnydd a gwerth am arian adnoddau gan gynnwys staff, a gwneud argymhellion i'r CBC mewn perthynas â'r materion hyn pan mae'n ystyried bod hynny'n briodol. Monitro ac adolygu lefel a defnydd yr adnoddau sydd eu hangen gan gynnwys staff, a gwneud argymhellion i'r CBC mewn perthynas â'r materion hyn pan mae'n ystyried bod hynny'n briodol.

Rheoli Perfformiad

Bydd yn ymgymryd â'r isod:

Cydlynu'r broses adrodd am berfformiad i'r CBC o leiaf yn Chwarterol yn unol â Chytundeb Cyflawni'r CDS neu fel y gweithredir gan y CBC.

Cydlynu a chyflwyno Adroddiad Monitro Blynyddol (AMR) statudol i'r CBC wedi mabwysiadu'r SDP.

Cyflwyno Adroddiad Adolygu CDS i'r CBC lle bo angen o dan reoliadau statudol neu'n gynnar os daw'r AMR i gasgliad gwahanol.

Rhan 4

YR IS-BWYLLGOR LLYWODRAETHU AC ARCHWILIO - CYLCH GORCHWYL

Rhaid i'r CBC sefydlu is-bwyllgor a elwir yn Is-bwyllgor Llywodraethu ac Archwilio yn unol â pharagraff 16(1) Rheoliadau Sefydlu'r CBC. *(Nodir, mewn deddfwriaeth llywodraeth leol, y cyfeirir at hyn fel 'pwyllgor llywodraethu ac archwilio', fodd bynnag gan fod CBC y Gogledd ei hun yn bwyllgor y mae'n briodol cyfeirio ato fel is-bwyllgor mewn perthynas â'r CBC.)*

Swyddogaethau

Mae cylch gorchwyl yr is-bwyllgor wedi'i nodi yn Rheoliadau Sefydlu'r CBC sy'n nodi bod rhaid i'r is-bwyllgor llywodraethu ac archwilio:

- a) Swyddogaethau dan Fesur Llywodraeth Leol (Cymru) 2011



- b) Mae'r pwyllgor yn gyfrifol am gyflawni'r swyddogaethau statudol a ganlyn o dan Adran 81 o Fesur Llywodraeth Leol (Cymru) 2011 fel y'i diwygiwyd:
- c) Adolygu a chraffu materion ariannol y CBC,
- d) Gwneud adroddiadau ac argymhellion mewn perthynas â materion ariannol y CBC.
- e) Adolygu ac asesu trefniadau rheoli risg, rheolaeth fewnol, asesu perfformiad a threfniadau llywodraethu corfforaethol y CBC,
- f) Gwneud adroddiadau ac argymhellion i'r CBC ynghylch digonolrwydd ac effeithiolrwydd y trefniadau hynny,
- g) Adolygu ac asesu gallu'r CBC i ymdrin â chwynion yn effeithiol,
- h) Gwneud adroddiadau ac argymhellion mewn perthynas â gallu'r CBC i ymdrin â chwynion yn effeithiol,"
- i) Archwilio trefniadau archwilio mewnol ac allanol y CBC; ac
- j) Adolygu unrhyw ddatganiadau ariannol a baratoir gan y CBC,
- k) Ymgymryd â swyddogaethau pellach y Pwyllgor Llywodraethu ac Archwilio dan Bennod 1p f Rhan 6 Deddf Llywodraeth Leol ac Etholiadau (Cymru) 2021 (perfformiad a llywodraethu prif gynghorau),
- l) Bydd y pwyllgor hefyd yn gyfrifol am gyflawni'r swyddogaethau a ganlyn:-
 - (li) hyrwyddo archwiliad mewnol, sefydlu amserlen i gynnal adolygiad o reolaeth, datblygu diwylliant gwrth-dwyll ac adolygu gweithrediadau ariannol;
 - (lii) ystyried arsylwadau a phryderon ar wasanaethau unigol ar lefel sirol, ar sail adroddiadau gan swyddogion y Cyngor, y Comisiwn Archwilio neu'r Archwilydd Dosbarth a monitro'r ymateb a'r camau gweithredu ar yr argymhellion a'r canfyddiadau.

Aelodaeth

Ni all aelodau o bwyllgor Llywodraethu ac Archwilio CBC fod yn aelod o'r CBC, yn aelod o weithrediaeth cyngor cyfansoddol na'n aelod cyfetholedig (mae aelod cyfetholedig yn yr achos hwn yn golygu person sydd wedi'i gyfethol ar y CBC, neu i gymryd rhan yng ngweithgareddau'r CBC, heblaw'r pwyllgor llywodraethu ac archwilio).



Rhaid i o leiaf un rhan o dair o aelodaeth yr Is-bwyllgor Llywodraethu ac Archwilio fod yn aelodau lleyg ac o leiaf ddwy ran o dair o'r cyngorau cyfansoddol. Bydd y penodiad(au) yn cael eu gwneud gan CBC y Gogledd.

Rhaid i gadeirydd yr Is-bwyllgor Llywodraethu ac Archwilio fod yn aelod lleyg.

Ni all aelodau o bwyllgor Llywodraethu ac Archwilio CBC fod yn aelod o'r CBC, yn aelod o weithrediaeth cyngor cyfansoddol na'n aelod cyfetholedig (mae aelod cyfetholedig yn yr achos hwn yn golygu person sydd wedi'i gyfethol ar y CBC, neu i gymryd rhan yng ngweithgareddau'r CBC, heblaw'r pwyllgor llywodraethu ac archwilio).

Dylai'r Is-bwyllgor Llywodraethu ac Archwilio gael ei sefydlu gan y CBC sy'n cynnwys aelodau lleyg i'w tynnu o bwyllgorau llywodraethu ac archwilio cyngorau cyfansoddol (neu eu hysbysebu'n allanol os nad yw hyn yn bosibl) ac aelodau o bob cyngor cyfansoddol.

Efallai na fydd yr Is-bwyllgor Llywodraethu ac Archwilio yn arfer ei swyddogaethau os yw'r aelodaeth yn mynd yn groes i'r gofynion hyn.

Canllawiau Gweinidogion Cymru

Rhaid i'r is-bwyllgor llywodraethu ac archwilio roi sylw i unrhyw ganllawiau a roddir gan Weinidogion Cymru o dan Adran 85(1) Mesur Llywodraeth Leol (Cymru) 2011.

Cworwm

Y cworwm ar gyfer yr is-bwyllgor llywodraethu ac archwilio yw 7 aelod gydag o leiaf un aelod yn bresennol o bob Cyngor Cyfansoddol ac o leiaf un Aelod Lleyg.